

AGENDA

Bydd y Sesiwn yn dechrau am 2.00pm

Eitem 1

Cwestiynau Llafar i'r Prif Weinidog

Cliciwch [yma](#) i weld y cwestiynau

Eitem 2

Datganiad: Y diweddaraf ar Effaith Clwy'r Traed a'r Genau - Ni fydd rhagor o ddatganiadau wythnosol

Eitem 3

Datganiad Busnes: y Trefnydd

Cliciwch [yma](#) i weld y Datganiad Busnes Drafft

Eitem 4

Cymeradwyo Rheoliadau Addysg (Estyn Addysg Gyrfaoedd) (Cymru) 2001

NDM653 - Cynnig bod y Cynulliad Cenedlaethol yn:

Ystyried egwyddor Rheoliadau Addysg (Estyn Addysg Gyrfaoedd) (Cymru) 2001, a osodwyd yn y Swyddfa Gyflwyno ar 4 Ebrill 2001.

NDM654 - Cynnig bod y Cynulliad Cenedlaethol yn:

ystyried adroddiad y Pwyllgor Deddfau nad yw wedi nodi unrhyw faterion o dan Reol Sefydlog 11.5 sy'n peri pryder yn y gorchymyn drafft, Rheoliadau Addysg (Estyn Addysg Gyrfaoedd) (Cymru) 2001, a osodwyd yn y Swyddfa Gyflwyno ar 1 Mai 2001;

cymeradwyo gwneud y Gorchymyn yn unol â'r drafft a osodwyd yn y Swyddfa Gyflwyno ar 4 Ebrill 2001.

Cliciwch [yma](#) i weld y Rheoliadau drafft

Cliciwch [yma](#) i weld Adroddiad y Pwyllgor Deddfau

Eitem 5

Dadl ar Corus

NDM657- Cynnig bod y Cynulliad Cenedlaethol yn,

Gresynu at benderfyniad Cwmni Corus i fwrw ymlaen i ddiswyddo dros 3000 o'i weithwyr yng ngweithfeydd prosesu dur Cymru, gan gynnwys cau gweithfeydd cyfan yng Nglyn Ebwy a Bryngwyn a gwneud toriadau sylweddol yn Shotton a Llanwern.

Croesawu'r pecyn gwerth £66 miliwn o gymorth a gyhoeddwyd gan Brif Weinidog Cymru ar 3 Mai ar gyfer y gweithwyr dur a'r cymunedau hynny a fu'n ddibynnol ar y diwydiant dur.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol

(1)+(3)+(5)+(6)+(7)+(8)

(2)+(4)+(9)

1. William Graham (Dwyrain De Cymru)

Alun Cairns (Gorllewin De Cymru)

Ar ôl "Cynnig bod y Cynulliad Cenedlaethol yn" ychwaneger paragraff newydd

"Condemnio'r arferion rheoli a ddefnyddiwyd gan gyfarwyddwyr Grwp Corus yn y mater hwn."

2. Jocelyn Davies (Dwyrain De Cymru);

Ym mharagraff 1 rhodder 'dros 4000' yn lle 'dros 3000'

3. William Graham (Dwyrain De Cymru)

Alun Cairns (Gorllewin De Cymru)

Ar ôl "Llanwern" ychwaneger ", ond yn condemnio'r beichiau ychwanegol a osodwyd ar ysgwyddau diwydiannau gweithgynhyrchu yn arbennig, drwy drethi uchel, mwy o fiwrocratiaeth ac Euro gwan a fydd, yn anochel, yn dinistrio unrhyw fantais gystadleuol".

4. Jocelyn Davies (Dwyrain De Cymru);

Ychwaneger dau gymal newydd ar ddiwedd paragraff 1:

Cydnabod bod polisiau ariannol Llywodraeth y DU wedi cyfrannu'n sylweddol at broblemau'r diwydiant dur

Gresynu na chymerodd Llywodraeth y DU unrhyw gamau i gynnal mäs critigol y diwydiant dur yn y DU a'i bod wedi gwrthod ystyried cynigion i ailwladoli'r diwydiant

5. William Graham (Dwyrain De Cymru)

Alun Cairns (Gorllewin De Cymru)

Ychwaneger ail baragraff newydd:

"Nodi â phryder bod colli'r swyddi hyn o'r diwydiant dur, yn barhad o'r patrwm o ostyngiad mewn swyddi gweithgynhyrchu yng Nghymru".

6. William Graham (Dwyrain De Cymru)

Alun Cairns (Gorllewin De Cymru)

Yn yr ail baragraff:

1. dileer "Croesawu'r" a rhodder "Cydnabod bod raid i £50 miliwn o'r" ar ddechrau'r ail baragraff.
2. dileer yr "atalnod llawn" ar ddiwedd y paragraff, ac ychwaneger , "gael ei ailddyrranu o wasanaethau eraill y Cynulliad".

7. William Graham (Dwyrain De Cymru)

Alun Cairns (Gorllewin De Cymru)

Ychwaneger trydydd paragraff newydd

Er yn cydnabod sefydlu Gweithgor y Cabinet ar Corus, dylid ymestyn ehangder y profiad a'r agwedd drwy:

- newid y teitl i Weithgor y Cynulliad ar Corus,
- gynnwys aelod o bob un o'r pleidiau gwleidyddol a gynrychiolir yn y Cynulliad,
- gynnwys o leiaf dau gynrychiolydd o'r diwydiant sector preifat,
- gynnal archwiliad sgiliau er mwyn sicrhau bod rhaglenni hyfforddiant yn cael eu targedu at wneud y gorau o'r cyfleoedd sy'n bodoli ar gyfer dod o hyd i swyddi newydd.

8. William Graham (Dwyrain De Cymru)

Alun Cairns (Gorllewin De Cymru)

Ychwaneger fel paragraff newydd ar ddiwedd y cynnig:

"Ymhellach, mae'r Cynulliad hwn yn cydnabod mai dim ond mynd i'r afael â symptomau problem economaidd ehangach y mae cefnogaeth ariannol o'r fath ac mae'n galw ar y Weinyddiaeth Democratiaid Rhyddfrydol/Llafur i:

- Llobio Llywodraeth y DU i gyflwyno polisiau ar gyfer gwella amodau gweithredu ar gyfer cynhyrchwyr, ac i
- Roi'r gorau i unrhyw gynlluniau i gyflwyno treth fusnes leol.

9. Jocelyn Davies (Dwyrain De Cymru);

Ychwaneger ddau gymal newydd ar ddiwedd y cynnig:

Yn gresynu at y ffaith mai dim ond £8 miliwn o'r pecyn gwerth £66 miliwn sydd wedi dod o Lywodraeth y DU gydag £8 miliwn yn dod o'r Undeb Ewropeaidd a'r £50 miliwn arall yn dod allan o gyllideb arferol y Cynulliad Cenedlaethol

Yn cydnabod y bydd cyfanswm adferiad economaidd llawn, gan gynnwys Cymorth Dewisol Rhanbarthol ar gyfer swyddi i ddisodli'r rhai a gollwyd ar y safle, a chostau'r seilwaith newydd, yn £200 miliwn, ac mae'n annog Llywodraeth Cymru i roi pwysau ar Drysorlys y DU am arian digonol sy'n ychwanegol at ddyraniad Barnett er mwyn sicrhau adferiad llawn.

Eitem 6

Dadl ar flaenraglenni gwaith strategol y Pwyllgorau

NDM656 - Cynnig bod y Cynulliad Cenedlaethol, yn unol â Rheol Sefydlog 9.9, yn nodi Blaenraglenni Gwaith Strategol ac Adroddiadau Cynnydd Pwyllgorau Pwnc y Cynulliad Cenedlaethol ar Amaethyddiaeth a Datblygu Gwledig, Diwylliant a Llywodraeth Leol a Thai, a e-bostiwyd at Aelodau ar 8 Mai 2001.

Cliciwch [yma](#) am Adroddiad Cynnydd a Blaenraglen Waith Strategol y Pwyllgor Amaethyddiaeth a Datblygu Gwledig

Cliciwch [yma](#) am Adroddiad Cynnydd a Blaenraglen Waith Strategol y Pwyllgor Diwylliant - Ni fydd y ddogfen ar gael ar We'r Siambr
Ar gael yn Saesneg yn unig

Cliciwch [yma](#) am Adroddiad Cynnydd a Blaenraglen Waith Strategol y Pwyllgor Llywodraeth Leol a Thai
Ar gael yn Saesneg yn unig

Cliciwch [yma](#) i weld y am Flaenraglen Waith Strategol y Pwyllgor Llywodraeth Leol a Thai
Ar gael yn Saesneg yn unig

Bydd y cyfarfod yn dod i ben am 5.30pm

Cynhelir Cyfarfod Llawn nesaf y Cynulliad am

9.05 am ddydd Iau, 17 Mai 2001

E P Silk

